

առ Բդեշխն Աքքէի . գրեաց և առ ազնուարարոյ Յովհաննէս աղայն 'ի Դամասկոս առնուլ գիր 'ի Բդեշխն . զայս ամենայն գրեանս և զհրովարտակս յանձն արար Զաքարիա հաւատարմին իւրոյ Կարապետին , և ընդ վստահելի սուրհանդակին եհան 'ի ճանապարհ հասանիլ 'ի Դամասկոս , զի պատրաստ գտցին անդ նախ քան զվերադարձ Կուսակալին յուխտագնացութենէ : Եհան 'ի նաւ նաեւ զլիանտամեան Մարգար աղայն՝ լինիլ օգնական գործոց Աթոռոյն և զսպել զանիրաւութիւնս Դատաւորին զօրաւոր բանիւք՝ զի ոսկերիչ նորա էր՝ յանձն արարեալ նմա 21,000 դահեկան վասն պարտուց Աթոռոյն : Գրեաց և առ Պօղոս Եպիսկոպոս՝ զի զայլ բաժինս յառաջակայ պարտուց անօրինեւ 'ի մնացեալ զարգուց եկեղեցւոյ , և զՀայոցն թողուլ յետս , եւ խնամով առաքել փոխցայ՝ զի մի նեղեսցեն , մինչեւ բացցին դրունք սղորմութեանն Աստուծոյ , և ապա խնդրեաց առաքել առ ինքն զհին վաւերական գրեանս Գողգօթայի լռելեայն : Եւ 'ի սմին ժամանակի 'ի Կոստանդինուպօլիս 'ի դիսաւորաց Ազգին բաց 'ի Միքայէլ Ամիրայէ ոչ ոք իշխէր մերձենալ առ Զաքարիա վարդապետ , զի յերկիւղէ և 'ի սպառնալեաց Տեառն նորա սարսէին ամենեքեան , և նա էր որ յորդորէր զնա միշտ 'ի բարին : Եւ զի կարի սաստկացեալ էր գայթակղութիւն Հրէից , և բազումք մշկըրտեցան , եւ շատք եւս ընտանեօք ցանկային 'ի նոյն . բայց յերկիւղէ առնն ոչ ոք համարձակէր մկրտիլ , զի ըստիպմամբ նորին գրիաց Կարապետ Պատրիարք , և անտրեցան Տ . Պաղտասար 'ի Պալատու , Տ . Զաքարիա 'ի Ղալաթիոյ , եւ ոմանք յաշխարհականաց 'ի պատճառս Հրէից հաւատացելոց :

Պօղոս Եպիսկոպոս որ 'ի վեր քան զմարդկային միտս համարէլ՝ զայս գործ , գրեաց 'ի Դամասկոս առ Յովհաննէս Աղայն և առ առաջնորդ տեղւոյն , ուր էր և Եղիա Եպիսկոպոս . զի 'ի հասանիլ Կարապետին անդ՝ խնամով զգուշացեալ առցեն զիր 'ի Կուսակալն : Սակայն Կարապետն հասեալ 'ի մէջ Համա և Համա քաղաքաց՝ հարեալ 'ի խորշակէ մեռաւ , եւ գրեանքն ամբողջ հասին 'ի Դամասկոս առ Յովհաննէս Աղայն : Նախ քան զժամանեւ հրովարտակայ յերուսաղէմ , բազմացաւ շուռնչ հակառակորդաց , զի թէ-